

**AKASHVANI(AIR)**  
**RNU: KOLKATA**  
**Bengali Text Bulletin**

**Date 08-02-2026**

**Time: 7.35 AM**

**বিশেষ বিশেষ খবরঃ-**

১) রাজ্যে এস আই আর প্রক্রিয়ার শুনানিতে নথি হিসেবে জেলাশাসক ও মহকুমা শাসকদের দেওয়া স্থায়ী বাসিন্দা শংসাপত্র গ্রহণযোগ্য হবে বলে নির্বাচন কমিশন জানিয়েছে।

২) রাজ্যে এস আই আর প্রক্রিয়ার শুনানি পর্ব গতকাল শেষ হওয়ার কথা থাকলেও একাধিক জেলা প্রশাসন এর মেয়াদ বৃদ্ধির আর্জি জানিয়েছে।

৩) রাজ্যে এস আই আর প্রক্রিয়াকে কেন্দ্র করে ব্যাপক অনিয়ম এবং ভয়ের পরিবেশ তৈরির অভিযোগ তুলে মুখ্য নির্বাচনী আধিকারিকের কাছে স্মারকলিপি জমা দিয়েছে বিজেপি।

৪) দেশের উত্তর-পূর্বাঞ্চলের যোগাযোগ ব্যবস্থা মজবুত করতে ভারতীয় রেল শিলিগুড়ির কাছে একটি ভূগর্ভস্থ রেলপথ নির্মাণের পরিকল্পনা করেছে।

৫) জরুরী মেরামতি ও রক্ষণাবেক্ষণের কাজের জন্য বিদ্যাসাগর সেতু বা দ্বিতীয় হুগলী সেতু আজ সকাল ৬-টা থেকে সন্ধ্যা ৬-টা পর্যন্ত বন্ধ রয়েছে।

০০০০০০০০০০০০০০০০০০০০০০

বিশেষ নিবিড় সংশোধনী প্রক্রিয়ায় নথি হিসেবে উপযুক্ত কর্তৃপক্ষের জারি করা স্থায়ী বাসিন্দা শংসাপত্র গ্রহণযোগ্য হবে বলে নির্বাচন কমিশন জানিয়েছে। নির্দিষ্ট নিয়ম মেনে জেলাশাসক বা সমতুল কর্তৃপক্ষ ও মহকুমা শাসকদের দেওয়া স্থায়ী বাসিন্দা শংসাপত্রই SIR এর ক্ষেত্রে গ্রহণযোগ্য নথি হিসেবে বিবেচিত হবে। এর বাইরে অন্য কোনও কর্তৃপক্ষের জারি করা নথি গ্রহণযোগ্য হবে না বলেও স্পষ্ট করে দিয়েছে কমিশন।

রাজ্যের মুখ্য নির্বাচনী আধিকারিক কে পাঠানো এক চিঠিতে কমিশনের তরফে জানানো হয়েছে, বিশেষ নিবিড় সংশোধনী নির্দেশিকা অনুযায়ী স্থায়ী বাসিন্দা শংসাপত্র গ্রহণযোগ্য নথির তালিকায় রয়েছে।

০০০০০০০০০০০০০০০০০০০০০০

রাজ্যে SIR এর শুনানি প্রক্রিয়ার সময়সীমা বাড়ানোর জন্য রাজ্যের মুখ্য নির্বাচনী আধিকারিক এর দপ্তর নির্বাচন কমিশনের কাছে আবেদন জানিয়েছে। ওই সময়সীমা ১৪ই ফেব্রুয়ারি পর্যন্ত বাড়ানোর আবেদন জানিয়ে রাজ্যের মুখ্য নির্বাচনী আধিকারিক মনোজ কুমার আগরওয়াল কমিশনকে চিঠি দিয়েছেন। পূর্ব নির্ধারিত সূচি অনুযায়ী গতকালই শুনানির সময়সীমা শেষ হওয়ার কথা ছিল। কিন্তু মুখ্য নির্বাচনী আধিকারিক জানান এখনো পর্যন্ত সব জেলায় একশ শতাংশ শুনানি শেষ হয়নি। কলকাতা উত্তর, দক্ষিণ ২৪ পরগনা, মালদা , কর্শিয়াং সহ কয়েকটি জায়গায় ৩ থেকে ৪ শতাংশ ভোটারের শুনানি এখনো বাকি আছে। তাই শুনানির মেয়াদ বাড়ানোর আবেদন করা হয়েছে। কমিশন এই সময়বৃদ্ধির অনুমোদন দিলে চূড়ান্ত ভোটার তালিকা প্রকাশের দিনও নির্ধারিত ১৪ই ফেব্রুয়ারির পরিবর্তে সপ্তাহ খানেক পিছিয়ে যেতে পারে বলে তিনি জানিয়েছেন।

০০০০০০০০০০০০০০০০০০০০০০

রাজ্যে এস আই আর প্রক্রিয়াকে কেন্দ্র করে ব্যাপক অনিয়ম এবং ভয়ের পরিবেশ তৈরির অভিযোগ তুলে সরব হয়েছে বিজেপি। গতকাল একটি প্রতিনিধি দল রাজ্যের

SIR প্রক্রিয়া নিয়ে মানুষের মধ্যে ভয়ের বাতাবরণ তৈরি করা হচ্ছে বলে প্রদেশ কংগ্রেস সভাপতি শুভঙ্কর সরকার অভিযোগ করেছেন। গতকাল কলকাতায় সাংবাদিক বৈঠকে তিনি বলেন, অসুস্থ মানুষকেও শুনানিতে হাজিরা দিতে হচ্ছে। এর প্রতিবাদে আগামীকাল সোমবার প্রদেশ কংগ্রেস CEO দফতরে যাবেন বলে তিনি জানান।

বিজেপি তাদের সংকল্পপত্র বা নির্বাচনী ইশতেহার প্রকাশের জন্য সর্বস্তরের মানুষের মতামত গ্রহণের সিদ্ধান্ত নিয়েছে। কলকাতায় গতকাল এক সাংবাদিক বৈঠকে দলের রাজ্য সভাপতি শমীক ভট্টাচার্য এই মতামত গ্রহণের জন্য একটি ইমেইল আইডি-র উদ্বোধন করেন।

'সংকল্প ডট ডাবলিউ বি ২০২৬ অ্যাট দ্য রেট বিজেপি বেঙ্গল ডট ওআরজি' এই ইমেইল আইডিতে প্রত্যেকের তাদের মতামত জানাতে পারবে।

সকলের মতামত ও পরামর্শ নিয়েই সংকল্পপত্র তৈরি হবে। এক প্রশ্নের উত্তরে রাজ্য সভাপতি জানান,এর আগেও সকলের মতামত নিয়ে সংকল্প পত্র তৈরি করা হয়েছে। তবে এবার সমাজের সর্বস্তরের মানুষের মতামত নেওয়া হবে।

সপ্তদশ বিধানসভার অন্তর্বর্তী বাজেট অধিবেশনের শেষ দিনও ক্ষমতাসীন তৃণমূল কংগ্রেস এবং বিরোধী বিজেপি বিধায়কদের বচসায় উত্তপ্ত হয়ে উঠল। সংখ্যালঘু ইস্যুতে বিতর্কিত মন্তব্যের অভিযোগ তুলে ‘স্বাধিকার ভঞ্জে’র নোটিশের প্রস্তাব দেওয়া হয় বিজেপি বিধায়ক অগ্নিমিত্রা পালের বিরুদ্ধে। প্রতিবাদে বিজেপি বিধায়করা, ওয়াকআউট করেন। অন্তর্বর্তী বাজেট নিয়ে শাসক ও বিরোধীদের তরজায় উত্তপ্ত হয়ে উঠল এবারের অধিবেশন

00000000000000000000

দেশের উত্তর-পূর্বাঞ্চলের যোগাযোগ ব্যবস্থা মজবুত করতে ভারতীয় রেল শিলিগুড়ির কাছে ভূগভস্থ রেলপথ নির্মাণের পরিকল্পনা করেছে। প্রস্তাবিত নতুন লাইনটি শিলিগুড়ি করিডোর দিয়ে যাবে। তিনমাইল হাট থেকে রাঙ্গাপানী এবং সেখান থেকে বাগডোগরা পর্যন্ত সম্প্রসারিত হবে লাইনটি। কৌশলগতভাবে সংবেদনশীল এই করিডোরে সুরক্ষিত, নির্ভরযোগ্য এবং নিরবচ্ছিন্ন রেল সংযোগ নিশ্চিত করাই এই প্রকল্পের লক্ষ্য বলে রেল মন্ত্রী অশ্বিনী বৈষ্ণব জানিয়েছেন। এই করিডোরটি প্রায় ২২ কিলোমিটার চওড়া একটি সংকীর্ণ ভূখণ্ডের মাধ্যমে মূল ভারতকে উত্তর-পূর্বাঞ্চলীয় রাজ্যগুলির সঙ্গে সংযুক্ত করে। নেপাল, ভুটান ও বাংলাদেশ লাগোয়া আন্তর্জাতিক সীমান্তের কাছাকাছি থাকা, এই আন্ডারগ্রাউন্ড রেললাইনটি অত্যন্ত গুরুত্বপূর্ণ হবে বলে মনে করা হচ্ছে।

০০০০০০০০০০০০০০০০০০০০০০

উত্তর দিনাজপুর এর বাঙ্গালবাড়ী এলাকার বাসিন্দাদের দীর্ঘদিনের দাবি মেনে রাধিকাপুর-হাওড়া কুলিক এক্সপ্রেস ট্রেনের বাঙ্গালবাড়ী রেলস্টেশনে আনুষ্ঠানিকভাবে স্টপেজ চালু হয়েছে। সবুজ পতাকা নেড়ে ট্রেনের স্টপেজের শুভ সূচনা করেন রায়গঞ্জের সাংসদ কার্তিক চন্দ্র পাল। এর ফলে বাঙ্গালবাড়ী সহ পার্শ্ববর্তী এলাকার কয়েক হাজার সাধারণ মানুষ উপকৃত হবেন। বিশেষ করে ছাত্রছাত্রী, কর্মজীবী মানুষ, ব্যবসায়ী ও রোগী পরিবহণে বড়সড় স্বস্তি আসবে বলে মত স্থানীয়দের।

০০০০০০০০০০০০০০০০০০০০০০

রাজ্যে অন্তর্বর্তীকালীন বাজেটে নদী সমুদ্রের মৎস্যজীবীদের জন্য রাজ্য সরকারের পূর্বঘোষিত সমুদ্রসাথী প্রকল্পের কোন উল্লেখ না থাকায় ক্ষুব্ধ ও প্রান্তিক মৎস্যজীবীদের মধ্যে মিশ্র প্রতিক্রিয়া তৈরি হয়েছে।

একটি প্রতিবেদন -

(ভয়েসকাস্ট - অভিজিৎ)

০০০০০০০০০০০০০০০০০০০০০০

জরুরী মেরামতি ও রক্ষণাবেক্ষণের কাজের জন্য কলকাতা এবং হাওড়ার মধ্যে সংযোগকারী বিদ্যাসাগর সেতু বা দ্বিতীয় ভুগলী সেতু আরো এক দফায় বন্ধ রয়েছে। আজ সকাল ছটা থেকে সন্ধ্যা ছটা পর্যন্ত এই সেতুর উপর দিয়ে সব ধরনের যানবাহন চলাচল বন্ধ রয়েছে। এই সময়ে এই সেতুর উপর দিয়ে চলাচলকারী যানবাহন বিকল্প পথে ঘুরিয়ে দেওয়া হচ্ছে।

oooooooooooooooooooooooooooo

উত্তরে বাতাসের প্রভাবে রাজ্যে প্রায় সব জায়গাতেই তাপমাত্রা হঠাৎ করে কিছুটা কমে যাওয়ায় শীতের আমেজ বজায় রয়েছে। আলিপুরে আজ সকালে সর্বনিম্ন তাপমাত্রা রেকর্ড করা হয় ১৪ দশমিক ৫ ডিগ্রি সেলসিয়াস, স্বাভাবিকের থেকে প্রায় আড়াই ডিগ্রি কম।

oooooooooooooooooooooooooooo

oooooooooooooooooooooooooooo